

Rapport da gestiun 2024

Introducziun

Daspö quatter ons maina Martina Rest l'administraziun da nossa fundaziun. Tant per Anna Margaritta Filli sco manadra da la Chasa Fliana sco eir pel cussagl es quai ün grond sustegn. Retroactiv pudaina constatar cha l'introducziun d'ün secretariat es stat üna necessità.

Survista activitats

Dürant l'utuon passà ha la Gammeter Media SA, San Murezzan, pudü activar nossa nouva pagina d'internet. Tala as preschainta in üna fuorma moderna e spordscha üna buna survista, saja quai per la società Lö d'inscunter Chasa Fliana sco eir per la fundaziun. Ils cuosts totals s'amuntan a 11'776.40 francs. La società ha surtut ¼ da tals, nempe 2'944.10 francs. Ultra dal rest da 8'832.30 francs ha la fundaziun eir surtut il guidamaint per l'introducziun da la pagina.

Daspö cha'l cumün da Zernez ha adattà il sistem per inchaschar las taxas da cura, para tal da funcziunar bain. Nos giasts predschan quista sporta chi pussibiltescha eir da far adöver dal trafic public in la regiun limitada.

Davo la renovaziun da la Chasa Fliana l'on 2014 vain nus gnü problems cun la lavur dal toler Luzzi, Zernez. Repetidamaing s'haja stuvü cumadar manguels da la lavur da tala firma. La prüma reparatura ha tala fat sco lavur da garanzia, però davo hana vuglù metter in quint lur prestaziuns. Per avoir pos in avegnir vaina fat sanar tuot il rest da la pensla dal tet vers süd a la firma Holzbau Foffa Conrad, Zernez. Cuostü ha tal lavur 814.10 francs.

Vers la fin da l'on vaina stuvü constattar cha'l boiler ha ün defet. La firma Christoffel Sanitär-Heizung AG, chi ha üna filiala a Lavin, orientescha ch'üna reparatura nu cunvain causa cha'l boiler saja massa vegl. Tenor l'offerta cuosta ün boiler nouv 11'589.65 francs. Sün basa da l'artichel 5 alinea 4 dal reglamaint dals 15 avrigl 2021 ha decis il cussagl sün via circulara da far bun l'offerta e da surdar la lavur a tala firma.

Als 16 december 2024 ha il büro da turissem Scuol preschantà finalmaing la cunvegna da cooperaziun tanter l'organisaziun "Bergsteigerdorf-Partner", rapreschantada dal Club Alpin Svizzer, Berna, per suottascriber. Sco aggiunta vaina surgni ün plan d'acziun chi cuntegna singuls puncts cha no stuvain amo schoglier insembel cun nossa manadra da chasa.

Sco commembers da la Società cooperativa Butia Lavin eschna eir quist on gnüts invidats a lur radunanza generala, a la quala ha tut part Anna Margaritta. In üna radunanza extraordinaria esa reuschi a la società d'eleger üna nouva suprastanza, quai causa cha'ls commebers da fin quà vaivan demischiunà. Per la Chasa Fliana es la butia da grond'importanza.

Finanzas

Il quint da gestiun, manà dal büro Accontaris AG, Scuol, serra cun ün guadogn da 15'710 francs. L'agen chapital s'augmainta per tal import sün 344'714 francs. La revisiun es gnüda fatta dal medem büro, però dad otras persunas.

Sguard in l'avegnir

La Chasa Fliana, sco chasa da vacanzas e per colonias, es retscherchada. Per restar inavant attractivs cun nossa spüerta fa quai dabsögn da far davoman las lavurs da mantegniment neccesarias. Eir la società Lö d'inscunter prosperescha grazcha al grond ingaschamaint da la suprastanza e dal comitè.

Remarchas finalas

Ün sincer ingrazchamaint a nossa manadra da chasa, Anna Margaritta Filli, Lavin, ed a nossa secretaria Martina Rest dal büro Rest-Administraziuns SA, Susch, per lur grond ingaschamaint, per la buna collavuraziun e per la fich buna lavur. Grazcha fich eir al cussagl da fundaziun ed a la squadra dal büro Accontaris Treuhand AG, Scuol, per la buna collavuraziun, sco eir a tuottas persunas chi praistan in che möd chi saja lavur a bön da la Fliana.

Lügl, 2025, Jachen Erni, president